

新疆志圖卷七十一

水道志五

開都河 朱勒都斯河 和屯博克達嶺水

開都河即古敦薨水河有二源一為珠勒都斯河一為和屯博克達水二源俱道出開都之山是曰開都河山海經敦薨之山敦薨之水出焉而西流注於泐澤出昆侖東北實惟河源水經注敦薨之水出焉者之北二源俱道西源東流分為二水西南流出於焉耆之西經流焉耆之野屈而東南流注於敦薨之渚右

新疆圖志

水道志五

水東南流又分為二左右焉耆之國南會兩水同注敦薨之浦東源東南流分為二水俱逕焉耆之東道於危須國西又東南流注於敦薨之數案近人以西二源屬大小珠勒都斯河輿經文西南流出焉耆之西指小珠勒都斯言屈而東南流者指大珠勒都斯言方位悉合惟東一源水道記以為屬烏蘭烏蘇河竊以為非也西域圖志古爾班多博克鄂拉在哈屯博克達鄂拉和屯博克達嶺西四十里瑪納斯南哈布齊垓北烏蘭烏蘇水發源北蠻攷其方位在焉耆府城西北已與所謂



東源者不合又水道記烏蘭烏蘇條下云源出綏來縣南古爾班多博克出山西北流百餘里與瑪納斯河會並不言東南流會珠勒都斯河同出一書而前後牴牾若此宜不可從新疆識畧以左一源爲和屯博克達嶺水南流右會哈布齊垓水又東南流云會薩薩克水復南分二支入開都河和屯博克達嶺當焉耆府城直北鄉土志開都河發源北山之北自昌吉綏來對山海子內迤邐經珠勒都斯四百餘里流入府城與水經薨敦之水出焉耆北二源俱導之文頗

新疆圖志

水道志五

一一

相發明西域圖志海都塔克

即開都河又作海多在楚輝塔克

即阿爾

西二百五十里哈布齊垓南哈喇沙爾北哈

布齊垓郭勒裕勒都斯郭勒咸會而南行出此山之口爲海都郭勒山脈自西九百里之汗騰格里分支東南行至此爲焉耆北屏即今開都山經文所謂敦薨之山在焉耆之北者也

珠勒都斯河即古鷹娑川河有二源一源出珠勒都斯

山麓爲小珠勒都斯河

圖志作準裕勒都斯郭勒

西流經楚爾嶺北

又西經達蘭嶺北折西南行出巴倫阿喇之南

唐書突厥傳蘇定方擊破賀魯別部於鷹娑川回鶻
傳鷹娑川在焉耆西北即今珠勒都斯河也西域圖
志準裕勒都斯郭勒源出裕勒都斯東北十里其水
西流五十里會布拉圖布拉克七十里會札噶蘇台
布在克又西四十里會格訥特布拉克又西二十里
會烏里雅蘇圖布拉克凡會四水皆自北山向東南
流新疆識畧小珠勒都斯河西北流經楚爾嶺會英
布拉圖水圖志又西會巴哈布拉圖水圖志無案以
出額布圖志又西會札哈蘇台水圖志又西會固爾班克
圖嶺

新疆圖志

勒特水

圖志之格訥特疑即克勒特之變音省去固爾班三字應屬一水

又西會克

穆訥克圖嶺水

圖志無

凡四百里折而南流至哈爾噶

圖與大珠勒都斯河合凡會五水水道記小裕勒都

斯河西流逕鄂蘭嶺北

即達蘭嶺

有四水自北來入之又

西逕額勒伯克山北有烏里雅蘇台水自北來入之

亦凡會五水大清一統與新疆識畧所載諸水

悉同惟新會典圖云河出廳北山西流過土克嶺北

土克嶺楚爾之轉音

又西哈拉蘇台水

即札噶蘇台

固爾班水自東

北來注之

此自北向南流者

哈拉水合英泉博洛各斯太水

合拉水雅瑪圖水察罕洛生水色領木水自東南來

會此皆自南向北流者又西左納覺洛圖水吉木特水色乃烏

生水烏蘭沙拉水哈仁洛爾水此亦自南向北流者右納克里

的水此與克勒特同音疑即固爾班克勒特水烏拉斯土水疑羅烏里札雅蘇圖水札

隆水土烏生水此又自北向南流者又西右納西北二小水過

巴圖拉山南支渠西南出經巴倫阿喇南正渠亦西

南流曰大珠勒都斯河凡會二十水自北向南流有

名之水六無名之水二自南向北流之水十二皆舊

圖籍所不載紛紜舛牾疑不盡可從巴倫阿喇即阿

新疆圖志

水道志五

喇爾鄉土志巴倫阿喇百泉歎湧環如列星小珠勒

都斯經流其西大珠勒都斯逕其東南水道記阿喇

爾湧泉百餘會以東流即大裕勒都斯河蓋其地也

他書皆無此名惟水道記一及之可謂詳人所畧以

今證古其說愈明故從新會典為定

一源出哈喇庫爾山北麓為大珠勒都斯河圖志作巴倫裕勒都

斯郭經巴倫阿喇東流與小勒都斯河會

西域圖志巴倫裕勒都斯郭勒源出裕勒都斯西南

五百里額什克巴什鄂拉西麓舊會典圖說珠勒都

斯河源出布古爾東北山水道記裕勒都斯西境直
庫車城北之汗騰格里山山東白餘里有地曰阿喇
爾湧泉百餘會以東流即大裕勒都斯河案大珠勒
都斯河源羌無定名準其方位當在焉耆西南庫車
東北與輪臺直北之間額什克巴什山爲赫色勒河
源在庫車西北百里中間距隔庫克納克嶺尙數百
里始與焉耆接界安得謂源出其西釐新疆圖說有
哈喇庫爾嶺在迭拉爾即第納爾之轉音達阪之北正當焉
耆西南西域圖志哈喇庫爾達巴在烏什噶克塔克

新疆圖志

水道志卷五

五

西南

即烏沙克塔勒在焉耆鄂頗爾西玉古爾北即布古爾

巖崖高峻爲天山支峯傑出者第納爾郭勒即布古爾河

伊蘭布拉克發源南麓以是攷之哈喇庫爾嶺南之

水入輪臺爲布古爾諸水嶺北之水入焉耆即大珠

勒都斯河源也水道記之阿喇爾即新會典之巴倫

阿喇庫爾音義皆近證以舊會典源出布古爾東北

山之說亦極相合蓋哈喇庫爾者山名巴倫阿喇者

泉名泉在山之東源出山之北新會典得其泉名而

不知爲源所從出水道記知源所從出而不能確指

上源所導之山

汗焉格聖天山之總名所賦太廣宜有專稱

舊會典知山

之方位又不得出之主名並皆失之攷之回語珠勒

都斯謂星也言源發衆如星也巴倫阿喇泉如衆星

且在哈喇庫爾山東麓圖志於裕勒都斯上別冠以

巴倫之名其爲河所發源已無疑義非取諸說而鈎

貫之則大珠勒都斯河源幾於泐沒難考矣

珠勒都斯二源既匯東流逕達蘭嶺之陰又東過哈布

齊垓山南至焉耆城北和屯博克達一源自北來會合

於開都河折而南流過府城西又東南匯博斯騰淖爾

新疆圖志

水道志五

六

新疆識畧大珠勒都斯河東流會特里木哈達水

水道記均作特爾

又東會布連布拉克水

圖志水道

拉克凡一百里至哈爾噶圖與小珠勒都斯河合

水既合復分爲二支皆東流南支行三百餘里綽羅

特克嶺水楊河沙爾水扣克納克嶺水厄西謨水烏

柯克嶺水自南來注之北支亦行三百餘里有烏爾

圖水薩必爾圖水郭爾和水台里布水雅瑪圖哈布

齊爾水烏蘭嶺水固爾班敖克克水自北來注之二

水復合而東有恭哈布齊爾水察罕烏蘇水達蘭嶺

水自北來注之自此會和屯博克達水源出和屯博
克達嶺南流右會哈布齊海水左會薩薩克水復南
分二支同入開都河水道記大裕勒都斯河自哈爾
噶圖山溝東行復分二支一為南支無所渠并一為
北支首受謨海沙喇布拉克圖志云在烏爾次受什
巴爾台布拉克即薩必爾圖之轉音圖志云在謨海沙喇東二十里次受賽喇
木布拉克疑即台里布之轉音圖志云在什巴爾台東四十里次受固爾班努
庫爾布拉克圖志賽喇木之東尚有雅瑪圖哈布齊勒一水固爾班努庫爾布拉克
三十次受察罕烏蘇次受袞哈布齊勒布拉克圖志

新疆圖志

水道志五

七

布齊勒在固爾班努庫爾東二十里察罕烏蘇在袞哈布齊勒東二十里與此小異東至達蘭

嶺之陰二河會為一新會典圖說大珠勒都斯河經

巴倫阿喇北右納五小水及楊河沙拉水折東南與

支渠合即小珠勒都斯河之支流又東南賽仁木水即賽喇木布

不自東北來注之伏羅海水即綽羅特水合扣克納克

水自西北來注之西北應作西南又東逕達蘭嶺南左納哈

馬爾金格水哈那挨特水哈哈布齊水烏洛斯台水

右納廓克鐵克水疑即圖志之特爾默哈達布拉克烏蘭色奉拜海

水疑即圖志之布蘭布拉克又東南右納雀及薩拉水結沁窩拉

改水當察罕烏生嶺南左納察罕烏生水即察罕烏蘇右

納合林希里水合拉梗梗祭罕水又東左納哈拉木登

水右出三支渠曰希格苻渠曰哈爾木同水曰賽更

布荷水並入於沙正渠指珠勒都斯正流言又東南會哈布齊

海河即哈布齊河上源曰託乃特水出廳北山合西小

水東南流和屯博克水出和屯博克嶺西南流來會

又南指和屯博克南流言右納一小水左納烏拉蘇台水巴

勒干台水薩薩克水他勒唐沙拉水又出哈布齊海

山口而南東出支津二曰克札渠曰烏古渠右納文

新疆圖志

水道志五

八

龍勿羅滾水又南與珠勒都斯河會珠勒都斯河又

東南有支渠東出曰北大渠正渠南流經廳治西又

東南曰開都河綜上諸說新疆識畧稱引諸水與水

道記大畧從同惟識畧南支右納數水而水道記則

言南支無所渠并此為小異新會典圖說頗詳然名

稱紛歧不能援古以證今亦其弊也又案水道記大

小裕勒都斯既會東南流有烏蘭烏蘇經博爾圖山

谷南流與博爾圖河來會博爾圖河者發自吐魯番

扞克遜軍臺東南北流經軍臺北折而西經伊拉里

克北西入阿拉癸山口又西流經博爾圖山口匯於
烏蘭烏蘇西域圖志博羅圖即博爾圖郭勒源出博羅圖
塔克北谷口折西流經阿拉癸鄂拉南西行百三十
里出阿拉癸西谷口清流繞足致為佳勝新疆圖說
博羅圖水源出巴幸達阪在博羅圖西北蓋相接之
山口古統謂之博羅圖
東南八十里至博羅圖山口東南流三十里伏於草
場書不言其西入烏蘭烏蘇宜不可從

楚輝河 西域圖志楚輝郭勒源出楚輝塔克南麓
南行經楚輝城西十里入於地案楚輝城即今曲

新疆圖志

水道志五

九

惠莊在焉耆城東一百三十里當清水河驛之東
亦名曲惠水

塔什海水 西域圖志塔什海郭勒在博羅圖塔克
西南一百八十里源出察罕通古西北二十里其
一流迤東行一百里當額爾坤達巴之南一流南
行繞出山峽經烏沙克塔勒東烏沙克塔拉驛在
府城東百七十里案塔什海水有三曰中塔什海
曰東塔什海曰西塔什海合南流入於地

烏斯圖果勒河 河出博羅圖山東阿爾輝山南霍

同察罕達阪其水東北流受輝乃武察罕沙拉三
水輝乃武水源出哈布嶺察罕沙拉水源出得蘭
山在焉耆之東北

以上焉耆支水

博斯騰淖爾薨敦之藪也左受開都河右受奇爾歸圖
河溢出西流入哈勒噶阿瑞山溝復出山折西南流經
庫爾勒莊北爲孔雀河又折東南流爲其琦河下流與
渭干北河會

西域圖志博斯騰淖爾在哈喇沙爾城南四里東西

新疆圖志

水道志五

十

袤三百餘里廣半之周七百餘里

水道記長二百四十里廣四十里

開都河自城西繞至城南其東有奇爾歸圖河自北
來注之新會典圖說奇爾歸圖河一名清水河上源
二曰拉伊爾特水曰霍羅海爾起水出廳東北山合
南流經得浪嶺西又經則里敏嶺南霍羅果勒水胡
松木生水合東南流來會又南哈哈爾齊水西北流
來會又南瀦於淖爾鄉土志清水河距城東九十里
源出城東北之阿羅蘊山其西有克里古圖山霍羅
果勒水出其東麓下流合胡松木莊水東南流入清

水河又南流百三十里至清水河驛與會典頗合哈
哈爾齊即塔喀爾齊西域圖志奇爾歸圖郭勒在塔
喀爾齊西十里亦與會典合案博斯騰淖爾即古薨
敦之藪水經注云川流所積潭水斯漲即左受開都
河右受清水河自淖爾西南溢出而西流也又云焉
耆之水自西海逕尉犁國又西出沙山鐵關谷即西
入哈勒噶阿瑞山溝經哈勒噶阿瑞軍臺南四十餘
里出山南流也又云西南流逕連城別注裂以爲田
者即今庫爾勒上戶地各城也又云其水屈而南逕

新疆圖志

水道志五

十一

渠犁國西者即今西南流名爲孔雀河者也又云東
南流逕渠犁國治又南流注于河即下流之共琦河
東南流會渭干北河同入塔里木大河也孔雀共琦
一音之轉古皆謂之開都河後人始強分數名耳自
開都河西南至庫爾楚約長三百五十里又四十五
里入輪臺界

庫爾楚水 西域圖志作車爾楚郭勒源出阿烏塔
克山東南麓南流三十里入於沙

乾溝水 在庫爾楚西四十五里源出阿烏塔克山

西南麓南流入於沙

野雲溝水 西域圖志作額什墨郭勒在庫爾楚西南一百里源出肯塔哈山南麓南流百八十里入於沙

策達雅水 西域圖志作策特爾郭勒在野雲溝西四十里源出輪臺東北山南麓南流分爲三渠曰中渠曰東渠曰西渠並入於沙

洋薩爾水 西域圖志作恩楚魯克郭勒在策達雅西七十里源出輪台東北山南麓圖志云水非一

新疆圖志

水道志五

十二

道繞英噶薩爾即洋薩爾左右流皆淺小

第納爾水 新疆圖說第納爾水亦名布古爾河源出庫車迭拉達阪第納爾者迭拉之轉音哈喇庫爾嶺在其北圖志謂源出哈喇庫勒達巴蓋山嶺相銜也在洋薩爾西九十里其流夾輪台城東西流域東一支南流入於斯爾里克墨浣湖城西一支南流逕哈喇墩莊止不流

以上輪台小水

羅克倫河

昌吉河呼圖壁河

羅克倫河有二源一源出孟克圖嶺洪圖作蒙克圖一作蒙柯圖一

源出格珊圖山東北流經昌吉城西折西北流與呼圖

壁河會

西域圖志孟克圖達巴在烏可克達巴西南四十里

昌吉羅克倫兩郭勒發源北麓新疆圖說洛克倫卡

在昌吉縣西二十里其河二源一出格珊圖山一出

喀喇沙爾境北克霞達阪其東北為烏拉巴圖水東

流入昌吉境案格柵圖山新疆圖志亦名騷呼達阪

鄉土志作掃虎達阪在昌吉縣南八十里鄉土志云一百一十里克霞達阪

新疆圖志

水道志五

十三

與孟克圖一嶺而異名為焉耆東北昌吉西南之界

山新會典圖洛克倫河上源曰烏拉巴圖水東北流

入昌吉界案今羅克倫二源北流逕雅瑪拉克山西

而會出山口北流引東西渠各一西渠曰紅水河經

獨山子西蘆草溝東而北流東渠曰三屯河水道記

所稱經縣西門北流者也正流經縣城西諺名大西

河又北流經羅克倫軍台東是為羅洛倫河正流之

西又左引一支水北流逕葦湖之東又北出羅克倫

卡之西伏沙而止河又西北流百餘里與胡圖克拜

河會

昌吉河即頭屯河源出孟克圖嶺東北麓東北流逕昌吉城

東又東北合羅克倫東支水即三屯河瀦於古爾班托羅之

泊水道記昌吉河亦發源孟克圖嶺北麓北流至山

外分爲渠經昌吉縣治東南八里諺曰頭屯河河西

十餘里即羅克倫河正流新會典云羅克倫河東折

北流經縣治西右出一支水曰三屯河東北流注於

頭屯河案今頭屯河之東曰頭工河在河東二里西南

曰二工河在縣治南三十里西北曰三工河在縣治北二十五里圖志

新疆圖志

水道志五

十四

謂昌吉郭勒北流二百餘里經兩屯之間是也兩流

既合又東北流數十里瀦於古爾班托羅海子御上志作

海子白家其南有一水自迪化境南來爲烏魯木齊河亦

注於海

呼圖壁河圖志作胡圖源出松山之陰北流經呼圖壁

城西折西北流會羅克倫河又西北注於阿雅爾淖爾

一作額彬鄉土志松山在呼圖壁城南三百餘里西

域圖志呼圖克拜郭勒在羅克倫郭勒西一百里地

當孔道有五源水道記亦言出天山北麓北流二百

里東會格特爾格羅克倫郭勒羅克倫河之西西北
流入於額彬格遜淖爾新疆圖說謂源出小珠勒都
斯札哈蘇達阪東流一百里至紅札金廠折東北流
二十里入呼圖壁境此蓋指遠源言之水道記源處
置金廠即松山也河北流經昌吉縣治西南東北流
右引支渠二曰昌盛渠曰葦湖並東北流入於沙又
北左引一支渠曰土古里渠又北經呼圖壁城西復
左引一支渠曰西河並西北流入於沙其正流諺曰
東河又西北流至雙岔河口東會羅克倫河又西北

新疆圖志

水道志五

十五

流注淖爾

圖古里克河 西域圖志圖古里克郭勒在胡圖克
拜郭勒西九十里源出巴顏哈瑪爾羅鄂拉北麓
北流百里踰孔道入於地案此河北流出三石門
之間曰東石門曰中石門曰西石門又北右曰鵲
兒東溝左曰鵲兒西溝分流至拱拜莊而合又北
流逕紅山之西至圖古里莊東一作土古里踰驛道止
不流

以上呼圖壁小水

瑪納斯河

阿雅爾淖爾又南受瑪納斯河水瑪納斯河源出衛和勒晶嶺固爾班多博克一源即烏蘭烏蘇河自西南來固爾沙濟海一源即唐水河自東南來會以北流

西域圖志瑪納斯郭勒有五源分出哈屯即和博克達鄂拉北麓新疆圖說瑚斯圖達阪瑚斯圖水東流一百六十里至綏來之金版玉底折而北流為瑪納斯河攷瑚斯圖達阪與和屯博克達嶺相連而圖說又載和屯一嶺並無北出之水是圖志之說未可盡

新疆圖志

水道志五

十六

從水道記謂源出和屯博克達之衛和勒晶嶺引乾隆二十二年總管端齊布搜捕準部餘黨於瑪納斯河源之小衛和勒晶嶺為證似較圖志之說允為有據水道記又云河西七十里為烏蘭烏蘇河源出綏來縣南古爾班多博克山亦名烏蘭烏蘇山出水二支東曰庫克河西曰錫博圖烏蘭烏蘇北流而會出山又北流數十里逕烏蘭烏蘇軍台西又西北流百餘里與瑪納斯河會案庫克河即今甯家河其西並無巨流足當烏蘭烏蘇者新會典圖金溝河即圖志之和東爾郭斯郭勒

流逕烏蘭烏蘇軍台西即名烏蘭烏蘇河其流伏於沙磧並不與大河通又新疆識略言瑪納斯河二源一為固爾班多邦水即古爾班多博克水一為固爾班沙濟海水竊謂烏蘭烏蘇河既源出固爾班多博克之山應即為固爾班多博克之水非固爾班多博克水外別有一烏蘭烏蘇河也清水河以水清產玉得名即固爾班沙濟海水自東南來亦注於瑪納斯河金溝河下流之烏蘭烏蘇河以軍台得名與古爾班多博克

水無涉故詳辨之又案西域之水以烏蘭烏蘇名者甚多今斷以固爾班多博克水當

新疆圖志

水道志五

水道記之烏蘇烏蘇河其軍台西之烏蘭烏蘇河乃尋常小水並不入瑪納斯河

河流逕綏來城西左右分釀為渠又西折北流匯於阿

雅爾淖爾

瑪納斯河北流入綏來境名曰龍骨河鄉土志城南之大衛和勒晶嶺小衛和勒晶嶺即龍骨河之源一名烏隆古河蓋瑪納斯河北流也河北流至綏來城南右出一支水繞流縣城之東引為五渠曰西新渠曰西東渠曰西中渠曰西四渠曰西西渠並入於地左出一支水西北流逕城之西曰大泉溝折而南匯

爲磨菰湖復溢而北入於沙河正流踰孔道而北經
縣治西又左出支渠三曰芟芟渠曰新盛渠曰太平
渠折西復出支渠八曰沙門子曰龔家龍口曰蔣家
龍口曰嚴家龍口曰馬家龍口曰算窩堡龍口曰三
道龍口曰八家龍口右亦出支渠八曰興隆口曰三
岔口曰五道口曰五戶渠曰小拐曰駱駝膊曰下馬
家龍口曰大拐並入於沙河又西折北瀦爲鄂林各
土小泊自泊溢出北流匯於阿雅爾淖爾水道記云
阿雅爾舊名額彬格遜淖爾當紅柳峽清水峽之中

新疆圖志

水道志五

十八

安濟哈雅軍台正北二百餘里圓橢形東西斜長百
數十里圖志云周可東爾南距巴爾庫勒淖爾在巴干
八百餘里西距喀喇塔拉額西柯淖爾四百里羅克
倫呼圖壁二河會流入其東南瑪納斯河入其西南
又一水自塔爾巴哈台北來曰木丹莫霍爾岱河入
其北淖爾之東有支流溢出口曰唐朝渠東北流置唐
朝渠驛爲赴科布多之路

塔西河 西域圖志作哈齊克郭勒在圖古里克河

西六十里圖志作源發綏來南山東北流經塔西河

所堡西又北踰孔道止不流又東出一支北流曰
橙槽渠並入於沙

察罕薩拉水 新疆圖說察罕薩拉水在焉耆城北

六百三十里源出察罕薩拉達阪東北流踰澤達

阪入綏來境

得家河 水道記作庫克河新疆圖說源出奇林圖

魯山山在綏來城西百八十里北流引為數渠入

於地

金溝河 水道記作和爾郭斯河又名博羅通古河

新疆圖志

水道志卷五

十九

在得家河之西源出博羅通古山 鄉土志作博羅托山在奇

喇圖魯山西五十里一名博羅圖山水道記云烏

蘭烏蘇河水二支東曰庫克河西曰錫博圖博羅

圖即錫博圖之轉音也其水東北流逕烏蘭烏蘇

軍台西分為三支曰頭道河曰二道河曰三道河

並北流瀦於葦澤止不流

安濟哈雅河 安濟哈雅一名安集海源出綏來西

南三百六十里之特圖山 山為額林哈畢爾山東支越山口東

北流踰孔道逕安集海驛西又北流瀦為達連湖

以上綏來小水

烏魯木齊河

烏魯木齊河源出烏可克達阪東曰庫爾齊勒河圖志作阿

爾呼特市拉克西曰阿勒塔齊河會以北流是為烏魯木齊河

西域圖志烏可克達阪在哲爾格斯鄂拉西三十里

為迪化州西南屏阿勒塔齊郭勒發源北麓西南有

三泉東北流並入於郭勒三泉者即白楊溝大西溝

金廠溝之水也庫爾齊勒河圖志作阿爾呼特布拉

克北流三十里入阿勒塔齊郭勒其發源處四泉並

新疆圖志

水道志五

山曰水西溝曰陰溝曰板廠溝曰陽和渠南接吐魯

番西南接焉耆府境案烏可克洪圖作烏克克新疆

圖說迪化城南至阿爾塔齊河源九十里與和屯博

克達嶺連界原作與小珠勒都斯連界者誤

河北流逕迪化城西紅山之麓東引為鑑湖博克達山

水自東南來入之又北折西流白五十餘里昌吉河即頭

屯自西南來會合流匯於固爾班托羅之泊

阿勒塔齊河東會庫爾齊勒河北流至迪化城南左

引支水醞為渠三曰太平渠曰永豐渠曰公盛渠又

北左引支水醜爲渠五曰黃沙渠曰長勝渠曰倉房
渠曰大狄渠曰碾子溝流逕老滿城西踰孔道而北
溉莊戶田正流又北逕廸化城即舊鞏西曰烏魯木
齊河流經紅山下東引爲小沼即鑑湖也波光澄碧
荇藻交滌垂柳覆堤游魚喋沫致足佳趣博克達山
水自城東合水磨溝之水繞出城北向西北流經古
牧地之西入於河訊鮮錄云城東北十里有泉出石
穴巨如五斗囊最爲奇勝西北流與阿勒塔齊河會
源出博克達山是也新疆圖說烏魯木齊河自城北

新疆圖志

水道志五

二二一

流一百餘里至蔣家灣諺曰老龍河又北流五十里
與頭屯河會案頭屯河由昌吉東南分支入境廸化
東支經府治西向北流瀦爲湖中有小洲洲東曰八
段湖西曰馬廠湖溢出曲折北流與西支合二支北
流三十餘里又西有三屯河東北流來入之三支並
東北流二十餘里合於老龍河又北度戈壁滙於固
爾班托羅泊諺稱爲白家海子者也海子東西長南
北狹周徑約四五十里莽大澤故不著名

白楊河 河在廸化東南境源出濟木薩南博克達

山之西道橋西流六十里至迪克列克入吐魯番境折東南流一百五十里至雅爾崖瀦爲雅爾湖達布遜海 在迪化東南山麓西北距達阪城十二里產鹽諺曰鹽海子

柴鄂博海 在迪化城東南九十里北距柴俄堡驛七里圖志作鄂們淖爾又稱昂吉圖淖爾亦產鹽石人子溝水 在迪化城東四十里其源出泉穴北流十里經蘆草溝止不流

八家戶水 在迪化城東五十里源出泉穴北流十里經鐵廠溝止不流

廟兒溝水 在迪化城南九十里源出阿爾輝山南流二十里入吐魯番境

羊圈溝水 在迪化城南一百里源出阿爾輝山南流二十里入吐魯番境

大東溝水 在迪化城南百一十里源出阿爾輝山南流二十里入吐魯番境

小東溝水 在迪化城南百二十里源出阿爾輝山南流二十里入吐魯番境

梧桐窩水 在迪化城北六十里平地湧泉北流六十里經下梧桐窩莊止不流

以上迪化小水

托克遜河

托克遜河 圖志作托克三郭勒源出博克達山南麓南流經達阪城東又南流經托克遜驛東又東南瀦於覺洛浣之泊

西域圖志托克三郭勒源出博克達鄂拉南麓有三源合而南流名鄂蘭布拉克過都魯達巴又一水出

伊拉里克東西南流經托三城南即托克遜驛入托克三

新疆圖志

水道志五

二二三

郭勒案托克遜河上源爲達阪城水新疆圖說達阪城水在迪城東南百八十里源出阜康縣博克達山天馬峯南麓初源曰黑溝水南流三十里有大銅溝水自北來入之又南流十里有白家溝水自北來入之流經達阪城卡倫東又南流四十里入吐魯番境鄉土志吐魯番廳西北百二十里曰托克遜山即夾爾蓋斯山有河出迪化東南流經托克遜驛東而南其西有一水東南流自驛西來會又東南瀦爲覺洛浣達阪城即齊克達阪俗謂之七箇達阪又名喀喇

巴爾噶遜山自此山南行並不過都魯達阪鄉土志
廳城正東九十里曰勝金台山山之東北有峯矗立
燦若列炬即隋書高昌北之赤石山今名都魯山是
托克遜在廳西北部魯在廳東北而圖志謂托克三
郭勒南流過都魯達阪者大誤也覺洛浣在廳南約
二百二十里東西長南北狹亦鹽湖之一
其東爲雅爾河東南流經吐魯番廳城西瀦爲雅爾湖
即古交河也

西域圖志招哈郭勒亦名交河源出招哈和屯北金

新疆圖志

水道志五

二四

嶺中南流分兩支環城

城各招哈和屯今各雅爾非吐魯番廳城

左右

而南注案雅爾河之上流即迪化之白楊河水寬四

五尺涸僅漸流東南流經孔道東其西曰雅爾崖崖

之南曰雅爾湖鄉土志廳城西二十里之雅爾崖漢

車師前王所居唐交河縣治

沙河 即葡萄溝水圖志作土爾番郭勒源發廳城

東北達斯達爾山南流爲沙河子折西南流至城

南之牙爾巴什莊伏於沙

木頭溝水 即勝金台水源出廳城東北阿格達阪

一名克立山自勝金台折而西南流至玉門口溉
二堡三堡莊出玉門口即古高昌壁也

洋赫水 即洋海水源出蘇巴什驛北山南流至沙
白特坎爾莊伏於地

連木沁水 即鴉頭溝水源出廳東北山圖志作魯

克察克郭勒經流連木沁驛折西南經鴉頭溝卡
倫北分爲三曰東湖曰北渠曰西渠並入於沙

齊克騰木水 新疆圖說水在闕展城今鄯善縣東九十

里源出祁連山坎托海達阪曲折東南流百九十

新疆圖志

水道志五

二五

里至齊克騰木驛東又三十里入於草湖

伊拉湖 源出城西百五十里之伊拉里克山自山
之西南有水東北流瀦爲湖資以溉田

蘇巴什清水 鄉土志源出廳城西南九十里之蘇

巴什山溝與城東之蘇巴什驛異地南流七十里至阿哈爾布

拉溝左右石壁陡峭高插雲霄中間一徑僅容雙
輪逶迤白餘里夏日大水瀑漲汨乎混流順溝而

下赴隘陘之口洶涌澎湃狀如奔雷履不及納車

不及迴呼吸間有波臣之歎行者視爲畏途

以上吐魯番小水

濟木薩河

博克達山東支濟木薩諸水出焉東北流溉於孚遠之野

迪化之東最著者曰濟木薩河源出博克達山東支北麓出山北流經四道橋卡倫東至濟木薩城南折而南入於沙磧西域圖志作濟木薩郭勒源二道出天山南麓者是也

水磨河 即特納格爾水源出博克達山分二支曰

新疆圖志

水道志五

二二六

大西溝曰小西溝皆北流入於沙

三工河 即德倫河在水磨河之東源出博克達山

其流分三支曰中溝曰東渠曰西渠

四工河 在三工河之東北流逕縣城東分爲四渠

故名

土墩子河 在四工河之東其地舊有土墩子塘故

名

柏楊河 在土墩子河東其水東西各出一支夾滋

泥泉北流溉八戶溝莊田又東出一支曰東泉大

渠北流入於地

黃山河 新疆圖說黃山河在阜康城東南八十里
源出博克達山支峯名大黃山北流分渠溉地案
黃山即西域圖志之額得墨克達巴其水即察罕
烏蘇水也

大龍口河 西域圖志作納里特布拉克源出額得
墨克達巴北流三十里分渠入於地

二工河 源出孚遠縣治西南橫山東麓北流踰孔
道入於沙

新疆圖志

水道志五

二七

以上阜康孚遠諸小水

木壘河

又東接天山東幹奇台諸水出焉其東爲木壘河

奇台諸水源出祁連山陰諺曰南山亦名松山即天
山東幹南支奇台水有三源均出南山之陰曰阿拉
爽達阪北流疏爲六渠又北五十里環繞舊奇台縣
城城東九十里曰木壘河雍正元年岳鍾琪以其地
扼要請移大兵駐之張廣泗言木壘河地處兩山形
如釜底受敵甚易拒守甚難形勢可見鄉土志木壘

河有三源均出祁連山陰北流三十里合爲一水經
回回溝又北流五十餘里經馬連溝又北流二十餘
里至木壘城堡又北流十餘里分灌頭畦莊出入於
地

吉爾水 西域圖志作濟爾瑪台布拉克源出天山
北麓西北流凡三道相距各二十里西爲奇台布
拉克其地東西各建堡一名西濟爾瑪台堡一名
東濟爾瑪台堡案鄉土志有西吉爾水即西堡之
水有東吉爾水即東堡之水東源出祁連山陰之

新疆圖志

水道志五

二八

茂明山 即平山 西源出泉穴均北流入於沙

白楊溝水 即伊勒博圖和碩水有二源均出南山
陰西北流合爲一水又西北經白楊溝流至一碗
泉驛入於沙

葛根水 圖志作格根布拉克鄉土志有中葛根水
西葛根水皆出南山陰中葛根分三支西葛根水
分二支均北流入於沙

永渠豐水 圖志作固爾班托博楚克水 一作多源
出天山北麓凡三道相距各二十里鄉土志北流

三十里分爲三支東一支東北流至碧流溝西一支西北流至董子溝其正支北流至永豐渠均入於沙

吉布庫水 源出南山陰之黑子爾坦北流五十餘里至吉布庫爾入於沙

達阪水 舊名達巴罕河水源出黑子爾坦北流七十餘里分灌莊田入於沙

更格爾水 即柏楊河爲奇台孚遠交界之水柏楊河之名有二此其一也

北流經孚遠城東踰孔道又北流二十

新疆圖志

水道志五

二一九

里至更格爾分二支一東北流三十里經東灣至二十戶地一北流五十餘里至大泉均入於沙

鶯格布拉水 源出南山陰之樹皮溝北流五十里入於沙

柳樹河水 源出奇台東北山西北流經北道橋卡

倫南又西流入孚遠境折東南流注於四廠湖

水磨河 此古城東之水磨河即阿布達爾托壘水源出古城東門外五里許泉穴穿城自東而北分溉頭二三屯入於地

小屯水 源出泉穴南流二十餘里入於沙

以上奇台小水

招摩多河

天山正幹又自奇台折東南趨至巴里坤城東曰南山

口松樹塘水

柳柳條河

北流經沙山南入於招摩多河一作昭莫

多合西北流五十里至沙山子莊而伏又三十餘里再

出為水磨河

水道記天山自奇台縣東南行三十餘里入南山又

東行五百餘里至肋巴泉臺山勢南北分趨二百六

新疆圖志

水道志五

十餘里而復合迴抱周匝中開平川曰巴爾庫勒即

巴里坤之轉音

其東南隅曰庫舍圖嶺即巴爾庫勒南山眾

山出泉匯而成河北流經庫舍圖嶺下由柵門之東

出山是為招摩多河西北流十餘里逕沙山南有松

樹塘水入之案庫舍圖一作濶舍圖為今大石頭之

山應在巴里坤西南木壘河東阿克斯他左近記以

為巴里坤東南隅之山者非也南山統名天山亦名

祁連山南山口北距哈密九十里山北五里煥彩溝

又五十里天山廟又二十五里松樹塘自此折西北

爲赴鎮西廳大道其東爲官馬廠廠東北曰紅山子
新會典昭莫多河源出廳東之紅山西流經沙山北
又西北柳條河二源並出廳東南山合西北流來會
紅山即沙山訊鮮錄沙山在廳城東百八十里與哈
密之塔勒納沁嶺連界其南爲昭莫多正與此合柳
條河即松樹塘水水道記營塘南半里有泉發山半
亂石中驀坡下經塘西數十步塘之東二里亦有泉
發山半又東六里有水發山澗皆北流匯爲松樹塘
水所謂二源並出廳東南山者也新疆圖說招摩多

新疆圖志

水道志五

二二一


河源出沙山北柳條河源出沙山南西流四十餘里
合爲一河又十里至沙山子莊距廳城東一百十里伏流三十
餘里至三縣戶莊北草湖中湧出是爲水磨河入巴
爾庫勒淖爾案舊圖招摩多河西趨逕入淖爾今則
河水漸涸故有伏流之說

又北流折西醜爲三大渠又西流經鎮西廳城北注於
巴爾庫勒淖爾

巴爾庫勒淖爾一名哈木哈瑪爾淖爾在鎮西廳治
西北四十餘里古之蒲類海也新會典淖爾東受水

磨河水河出廳東南北流折西右出三大渠一渠流
逕大時莊東人和莊北一渠流逕地利莊東一渠流
逕大有莊東正流經廳治北西而流瀦於淖爾案水
道記巴爾庫勒淖爾所受水四曰招摩多河曰奎蘇
水曰三道河曰西黑溝水新疆識略則言所受水三
一出昭莫多一出奎素一出沙山西三道河即今水
磨河分疏之三大渠也奎蘇及西黑溝之水今皆伏
於沙磧並無大流其出沙山西者即今大小柳溝廟
兒溝以西諸水涸僅澌流皆不入淖爾惟招摩多一

新疆圖志



水道志五

二二一

河伏沙再出不及百年而河流變遷如此宜從新圖
校正

長家溝水 在廳城西源出哈木耳達阪北流至蘇
吉驛而南伏於沙

大黑溝水 即西黑溝水源出捷達阪在廳城西二
十里北流至城西南之西園子伏於沙

小黑溝水 即東黑溝水在廳城東三十里源出南
山北流至滿城東溉石八子莊田而止今亦名大

泉

奎素水 在廳城東九十里源出南山其西曰李家溝北流至奎素驛之南止不流水道記云自奎蘇石人子起至尖山一帶地畝百餘里間取南山之水疏渠九道自山口以外多滲入沙磧須木槽接引方可暢流是奎素一水本係漸流當山泉盛漲時容可西注淖爾今則其流微弱久不與淖爾通矣

西鹽池 西域圖志作圖爾庫勒即唐志之鹽池海在廳西北五十餘里西距巴爾庫勒約五里又北

新疆圖志

水道志五

二二二

曰鏡兒泉

三塘湖 在廳治正北一百六十里亦鹽池之一

阿達爾干水 西域圖志阿達爾干鄂拉在鎮西城

東北二百里當舊木城東北木城卡倫在廳北九十里里格山

之北山在廳城東一百四十里今阿達爾干嶺南麓所出之水

自東而西每水相距五六里或十餘里東自空心窩起西至木城卡倫止曰五度溝曰大柳溝曰小柳溝曰板房溝曰藍旗溝曰廟兒溝曰大彩溝曰喇嘛溝曰樓房溝曰西牛毛泉曰半截溝曰大小

紅旗溝皆南流至沙山而止

察哈泉水 源出阿達爾干嶺東北麓為空心窩迤

東之水其水北流分三支皆入於沙

以上鎮西小水

哈密河

塔勒納沁之嶺哈密河源出焉其東為必柳嶺水合塔勒納沁河西南流逕哈密城東西為庫巴什嶺水南流逕城西二水會西南流是為哈密河

塔勒納沁在哈密城東北二百二十里為鎮西哈密

新疆圖志

水道志五

二二四

交界之山西域圖志塔勒納沁郭勒出塔勒納沁鄂拉南北麓分流出山其南流分兩源經二十里合而西商行當格子烟墩之北其北流出山亦分兩源東流界塔勒納沁德都摩核西南距哈密城二百八十里之間行十

五里而伏西流為長渠唐元和志柳谷水東西二源

出柔遠縣東北天山即塔勒納沁河也一統志作那

清河新會典作塔平河皆納沁之轉音河之東曰必

柳嶺圖志必柳布拉克出必柳達巴南麓西南流會

鞭桿泉入賽巴什湖案今必柳嶺有二水西支即鞭

桿泉東支爲胡吉爾太水圖志作呼濟爾太在桿泉東二十里皆出

必柳之嶺統名曰必柳嶺水二水合處曰牛毛湖湖

穆又西南流至石城子莊與塔勒納沁河會又西南

流逕哈密城東爲賽巴什湖一作賽巴什湖河又西南流至

沙山子西有庫巴什嶺水南流來會庫巴什嶺水有

二源四源曰庫巴什湖東源曰龍王廟泉兩源合流

逕哈密城西與城東之水交會即哈密河也河南流

滙爲小南湖又南流滙爲大南湖又南折而西瀦爲

大泉海子纏民決湖水灌田大資利賴焉

新疆圖志

水道志五

一一五

土古魯水 即圖志之圖古里克新疆圖說土古魯

水二源出阿里鐵洛河山圖志作雅爾瑪罕鄂拉在哈密城

東三百二十里其水北流一百八十里至闊毛湖

分灌營地

廟爾溝水 即太陽溝水源出城東之塔什山南流

逕上河莊下河莊又南經廟爾溝卡倫東又南折

西流曰乾河尾子入於沙

錫喇鹽池 即沙拉淖爾三州輯略云天山行至巴

里坤之東曰鹽池山今曰千里格山新疆圖說哈

密城東北二百餘里鹽池水源出于里格山東南
流二十餘里經達子溝入錫喇淖爾

烏拉泉水 圖志作烏拉台布拉克源出城東庫巴

申圖嶺東南麓南流分三支曰芟芟台溝曰烏拉

台溝曰阿東溝一作阿敦溝並入於沙案自阿東溝向東北行五里照

確溝又五里頭道溝皆細流

安吉乃水 圖志作恩納爾布拉克源出城東庫巴

申圖嶺西麓南流入於沙

黑其瑪克水 圖志作哈里勒齊馬克布拉克源出

新疆圖志

水道志五

二二六

庫巴申圖嶺西麓南流入於沙

下廟爾溝水 源出城東巴塔什山西南流經土廟

爾溝之西下廟爾溝之東入於沙

乞干淖爾 圖志作巴克塔什布拉克源出塔東巴

塔什山又作巴達什故俗訛為八大石水西南流

經下廟爾溝之西至黃蘆岡驛入於沙

他依拉可水 即柳樹泉水新疆圖說源出哈塔乎

拉可山在城西北一百三十里其水南流經四五

堡之西入於沙

以上哈密小冰

新疆圖志



水道志五

二二七

